

مشتاقنامه

محل مطبعه و اداره :

جفال اوغلنده امنيت
صندوغی جوارنده
شنکول يقوشنده
۲۷ نومرو

افطار :

مسلكمزه موافق آثار
جدید مع الممنونیه
قبول اولنور

درج ایدلمه یین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست و بحال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلمه دن مقوا بورو ایله کوندریلیرسه سنوی
۲۰ غروش فضله آلتیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۲۲ ذی القعدة پنجشنبه ۱۱ تشرین ثانی ۳۲۶

عدد : ۱۱۶

اولدی؟ هب تفرقه یوزندن محو اولدیلر! سورودن آیرلدقلری ایچون قوردلرک آغزینه دوشدیلر. کیت کیده او بیوک عالم دارلاشدی. شمدی مسلمانلرک بو کونکی حالنه ارباب حیت قان آغلا یور. بزى بو حاله دوشورن هب تفرقه، هب نفاق و شقاق در. آرتق بوقدر ذلت، بو قدر مسکنت الویرر، بوندن صوکراملت ادیانلی، اوقوملی، بوفلا کتیرک هب تفرقه یوزندن کلدیکنی آکلاملی ده اوکا کوره چاره سینه باقمی. زمان ارتق تفرقه زمانی دکدر. اتفاق زمانیدر، برلشمک زمانی در. شمدی آللهک لطفی بزه توجه ایتدی. هر زمان بو فرصت اله کچیز. بو فرصتی قاچیرماملی، بوندن استفاده ایتلی. کچن کچدی. اولان اولدی. شمدی ماتم طوته جق، اسف ایده جک، کدرلنه جک زمان دکدر. ماتم اولوی دیر یلتمز، اسف کچمشى کیری کتیرمز، کدر مصیبتی دفع ایتیز. سلامتک اناختاری وارسه یوق ایش در. خلاصه یوکسلمک ایچون طوغریلقدن، حسن نیتدن باشقه مر دیوهن یوقدر. قور قاملی، قور قو هلاکی تعجیلدن باشقه بر ایشه یاراماز. یاسه دوشمه ملی، یاس هلاکدن باشقه بر نتیجه ویرمز. قرآن کریمک حکمی باقیدر، ابدی بر حیاته مظاهر در. الویررکه بز اوکا اتباعه نیت ایدم. ارتق مسلمانلرک کچیر دکلی بوفلا کتیردن عبرت آلهرق او یانلی، بتون تفرقه لردن واز کچملی. بتون مؤمنلری قارداش، بتون بو طور اقلرده یاشایانلری وطنداش بیلهرک ال برلکله یوکسلمک چالیشملی، بیلشیملی، طانیشملی. اسکی کوتوکلره یکی، ای و مشروع فلیزلر آشیلاملی. امید ایدر زک بوسوزلرک یور کدن سویلندیکنه. بتون مسلمانلر اینانه رق آرملرنده کی تفرقه لری، قلبلرنده کی حرص وطمعلری ترک ایدهرک هپسی جبل جلیل الهی یه یاپیشیرلر، صوکر درجه بر اتفاق ایلر، صیم صیقی بر اتحاد ایلر بر برینه باغلانه رق هب برلکده ترقی یه چالیشیرلر، آللهک ورسولتک او امرینی یرینه کتیرمک غیرت ایدرلر. والله یمدی من یشاء الی صراط مستقیم.

مطبوعات

روسیه ده مساوات حقوق وارمیدر؟

بونک بز عثمانی مسلمانلرجه ده اهمیت وار، زیرا، مساوات حقوق اولورسه، ۳۰ میلیون مسلمان - تورک قارداشلریمز، روسیه اداره حکومتیه قاریشه رق، سیاست داخلی و خارجیه سینه اجرای تأثیر ایده بیلورلر...

۱۹۰۵ سنه میلادی سی تشرین اولنده، اختلال و تعطیل اشغال یاپیلوب، ایمپراطوره، عموم روسیه اهالیسنک حقوق و حریتی تصدیق و تسلیم ایتدیرمش ایدی. لکن برقاج آی صکره، اکثریتک جهل و اطاعتیه مستند حکومت چاریه، چارچابوق کندینی طوبایایه رق، اولجه ویردکلرینی کیری آلمیه قویولدی، اهالی یه ویرلمش حقوق و حریتلرک اوتهنسی بریسنی کسوپ قیرپارق، انقلابدن اولکی حالنه دوندی. الک چوق حقوقی نزع اولنان اهالی مسلمانلردی؛ اولرک مبعوث انتخاب حق، آسیای وسطی ده بوسبتون قالدیرلر، قافقاسیاده،

قزان حوالیسنده اکسیتلیدی. حاصلی مساوات حقوق، حریت سیاسیه، صرف بوش لافدن عبارت قالدی. بونکله برابر، یاقین زمانلره قدر تفرعات امورده، اوتوز میلیونلق مسلمان کتله سنک، لزومسن تضییقات و تحقیرات ایلر اغضابنه چالیشلمیوردی. شمدی اوکاده باشلانیدی. رفیقمر «وقت» ک آتیده کی مقاله سی، روسیه حکومتک بویولده نرله قدر ایلر ولدیکنی آچیق کوستریور:

«روسیه مسلمانلری حکومتیه اوقدر صداقتلی، وطنه اوقدر محبتلی درلرکه بونی دشمنلری، بیلر انکار ایده نزلر. بوعصرلرک وقایعیه مثبت برحقیتدر. مسلمانلر روسلرک هر قسمی، هر صنفی ایلر دوست کچنمشلردر؛ حتی کندیلرینه قارشی یک فنا معامله لرده بولنلمش، حسیات دینی لرینی جریحه دار ایتش میسونرلر بیلر مقابله بالئل یا عامشلردر. مسلمانلر هیچ بر حرکتلرنده قانون موضوع خارجه چقماملشدر.

«حکومتک قوّه مدیه سینه قارشی، مغایر قانون حرکتلریله بو یولده موفقیتلر قزانمیه ققلى معلوم ایه ده، برملتک صایبسی برقاج اون ملیونلره بالغ قوجه برملتک اغتشاشی قوی برحکومتک باشنه بیلر خیل مهم برغائله آچش اولور. اغتشاش اولورسه، اوندن استفاده یه قالدیشانلر، یول کوسترنلر، اغتشاشی ادامه یه اوغراشانلر البته بولونور.

«مسلمانلرک صبر و سکونتی اثبات ایچون، صوکر سنه لرک وقایعینی کوز اوکنه کتیرمک کافیدر: بوتون تورکستان و قرغزستان مسلمانلری دو مایه مبعوث انتخابی حقندن محروم ایدیلر. مسلمانلر بوکا صبر و سکونته مقابله ایتدیلر. مسلمان اراضیسی روس مهاجرلریله طولیدرلر، یرلی اهالیکنک تأمین معیشتنه هیچ قولاق آصیامادی. بوکا قارشی ده مسلمانلر صبر ایتدیلر. «بش اون بیکلرجه محله مکتبلری مزه معلم تیشدیرمک ایچون بر دارالمعلمین و دارالمعلمین یوق. بو دارالمعلمین و دارالمعلمانی کندی پاره نزلر آچمق ایسته یوزده ینه مساعده اولتیور. بوکاده صبر ایدیورز... بلدییه مجلسلریته اعضا انتخاب حقمن تنقیص اولنش. بوخصوصه استناد کاهمز صبر!...

«کلیسامکتبلریته، میسونر جمعیتلریته، خزینة دولتن یک چوق اعانه لرویریلور، خزینة دولت ایسه روسیه ده ساکن بالجله اهالیکنک پاره سی دیعکدر. مسلمانلر روسیه ده، روسلردن صوکره اک زباده نفوسلی برخلق اولدیغندن اولرک ده، بویله اعانه لردن حصه دار اولمه یه حق لری شبهه سزد. بونکله برابر اولرله بش پاره ویریلور، اولرک پاره سی اولرک علیه چالیشان مکتب و جمعیتلره ویریلور. ینه مسلمانلر برشی دیعه یورلر، صبر ایدیورلر!...

«بویله اساسلی مسأله لردن صرف نظر ایدم ده، اوفاق شیلره بر کوز کزدیرم: اولنرده بیلر بزم قلبمزی پاراله یه جق، حسیاتمزی اینجیده جک حرکاتدن چکینلمیور. مثلاً پترسبورغده بر جامع یاپه جق اولدق، روس مأمورلری و علی الحصر روس روحانیلری بیک درلو موانع احداثه چالشدیلر. اوفاده مسلمانلرک کثرتله بولندقلری بر شهرکه اداره روحانیلری ده اوراده در، یاپیله جق بر «اهالی اوی» نک عرب طرز معماریسنده انشاسنه ممانعت ایتدیلر!

حاصلی هر خصوصه بزه دینی و ملی جهتلردن قارشی طوریلور. مسلمانلرک بالضروره کندی حقوق ملیه و دینی لرینی مدافنه ایلر اوغراشه رق ترفیات عمومیّه بشریه یه خدمتدن کری قالیورلر...»

انکلیزلرک وعدی

(الواء) رفیق محترمزدن:

انکلیزلرک، مملکتلریته کیردکلرندن برقاج آی صکره مصرلیر ایجه آکلادیلرکه انکلیزیه سیاسیونی نظرنده وعدک هیچ قیمتی یوقدر. انکلیزلر مملکتیمزه مستولی اولدقلری زمان مقصدمن مصری استملاک دکدر. آنجق حکومت مصریه نک استقلالنی محافظه در. بو مقصد حاصل اولنجه چکیلوب کیده جکزم دبمشلردی. حال بوکه اوتوزنجی

شون

دولت عثمانیه :

ژاپونیا به طلبه اعزامی

فقیر لر مزك مسكننته ، زنكینلر مزك بخلنه ، جیسانتنه باقدقجه متأثر اولدقدن باشقه وطنك آتیس حقتنده کی پارلاق امیدلر من سونمك درجه سنه کلیور . برکت ویرسونکه آرده صیرده کوردیکمز بعض استثنات بزه یکیدن بر جسارت ویریور .

شیمدی به قدر اک خیرلی ، اک معزز مقصدلر اوغورنده بیکلرجه لیرالر صرف ایتدیکی حالدده اسمنك بیلمسنی ایسته مین بر ذات محترم بش اون کون اول ژاپونیا به اکال تحصیل ایچون اوچ طلبه کوندردی . روسیه - پور آرتور طریقله کیده جک اولان بو افتدیلر شیمدی یولده بولنیورلر .

آوروپا به فوج فوج طلبه کوندریلورکن شرقك اک مترقی ، اک جدی بر قطعسی اولان ژاپونیا به - با خصوص حکومتجه مناسبات حسنه تأسیس ایدمك ایسته نیلن بویه بر دورده - طلبه کوندرلمسندگی اصابت آشکاردر . شو علو جنبندن طولانی ذات مشار الیهی اک صمیمی بر صورتده تجیل ایدرک اک اوزون بر عمر ایله معمر و بویه بر تشبثات خیره مظهر اولمسنی تمی ایلرز .

امام محبی . - امام ، استانبولده کی رجال حکومت ایله مذاکره ایدرک آراده کی اختلافی ازاله ایتک ، یمده قان دو کوله سنه میدان ویرلمه مک ایچون بر هیئت کوندریورمش . مصر مطبوعاتی اون کون اول سویشه واصل اولان بو هیئتک اعزامی ایو بر نظرله کوریورلرده حکومت عثمانیه نك حیثیتی ، حاکمیتی نقطه نظرندن قبول ایدمه جکی بر طاقم مطالبده بولنمازسه نتایج حسنه استحصال ایدیه جکی سویلیورلر ، انشاءاه ، ایچلرنده صنماء ، یمن نائب فاضلری کی مبعوثلر بولنان بو هیئت مقصود اولان خدمتی ایفایه مقتدر اولورلر .

عجباً طوغرمی ؟ - استانبولدن پترسبورغك «نویه ورمیا» غزته سنه چکیلن بر تلغرافنامه ده شویله دنیلور : «حکومت عثمانیه والیرلر بر تعمیم طاغیده رق جزائرلی وتونس لیلرک بعدما فرانسه تحت حمایت سنده طانیله رق ، اوکا کوره معامله ایدلمسنی امر ایله مشدر . بوامر ، تورکیه ایله فرانسه آره سنده کی استقراض مذاکره سنك موفقیتسزلکله نتیجه لمه سنی متعاقب اعطا اولمشدر .

عمانی حکومتی ، سنه لرحه سورن مکالمات سیاسی به رغماً شیمدی به قدر ، فرانسه به بو حق تسلیم ایتمه مشدی . شمدی بوکا روی رضا کوسترمسی استقراضك عدم موفقیتندن ناشی دلکیر اولان فرانسه افکار عمومی سنی تطیب ایچوندر .

صراط مستقیم - استانبول غزته لرنده بوکا هیچده بکزدمه ین ، نیم رسمی بعض خبرلر کورلمشدی . نجبا او خبرلری طوغری ایدی ، یوقسه بو تلغرافنامه نك مندرجاتی ؟ بو بابده کی افکاریمزی ، بر قاج

سنه یتیسورده حالا وعدلری ایفا ایدمه جکلر . ذاتا اولنر بو وعدی چوقدن اونوتدیلرده الیرینی مصرک یاریسی دکلمسه بیله هر حالده او قطعه دن بر جزؤ اولان سودانه اوزاتدیلر .

انکلیزلره وعدلری اخطار اولندقجه بر طرفدن ملتک هیجانه قارشى حکومت مصریه نك ، دیگر طرفدن حکومتک مظلانه قارشى ملتک انکلیتره اشغاله احتیاجی اولدیغنی ایلو سوردیلر . ده صکره کندیلرینک مصردن چکلمسی مصر لیلرک کندی کندیلرینی اداره ایدمه بیله جک برسویه به یوکسلمه سنه متوقف اولدیغنی درمیان ایتدیلر . بری برینی نقض ایدن بوا دعالرک آلتندن شرق لیلرک بر حکومتی اداره قابلیتنده اولدیغنی ، مسلمانلرک مدنیت غریبه ایله توفیق ایدیه میه جکی میدانه قویه رق کندیلرینک الی مشاءاه مصرده قاله جقلرینی تصریحه قدر واردیلر . بو کون ایشیدییورزکه وقیله بز مصر لیلره قارشى ایدیلن عهدلر ، وعدلر ایران لیلره قارشى ده دریغ ایدیلمیور . اوت انکلیزلر ایرانک جنوبنه صوقولقدن صکره « انکلیتره حکومتی ایرانک نه طور اغنه ، نه ده استقلاله کوز دیکمش دکلر . مقصدی ایران حکومتک نفوذینی اعاده ، استقلالی محافظه ایتمکدر دییورلر . بز بو رقیق سوزلری ۱۸۸۱ سنه سنده طویمش ، لکن ۱۹۰۶ ده کرک لورد قرومرک ، کرک بشقه لرینک لسانندن بستیون ضدینی ایشتمشده .

دیمک ایران لیلرده بزم مصاب اولدیغمز تهلکه قارشوسنده بولنیورلر . بز ایجه اوکرندک انکلیزلرک وعدلرینه ، عهدلرینه کوونمک شعاع شمسه صاریلورده سایه حقیقه بکزر ! شمدی رفیق مصائبک اولان ایرانلی قرداشاریمزه شونی توصیه ایدرزکه بزم مصاب اولدیغمز فلاکتدن عبرت آلسونلرده ال اله ویره رک جنوبده کی انکلیتره نك شمالده کی روسیه نك چکلمه سنه چالیشسونلر .

وعدینی ایفاده بوقدر آغیر داورانان انکلیتره نصل تهدیدینی میعادندن اول ایقاع ایدرک جنوبی ایرانه کیردیه او یله جه کندیسندن ده سوزینی یرینه کتیرمسی طلب اولملیدر . حریت اوغورنده ، وطن اوغورنده قانلرینی دوکن ایران لیلردن بکله نیان بودر .

مصر مطبوعاتی بو کون آوروپاده آلتی یوزدن فضله مصرلی طلبه تحصیل علوم و فنونده بولندیندن بحث ایدرک بولنرک بر قاج سنه صکره بر قاج بیکه واره جفتی ، وطنلرینک کندیلرندن بیوک بیوک فائده لر کوره جکی یازیورلر . هله بو طلبه نك ایچنده زنکین اولادلرینک اکثریتی تشکیل ایتسی ایلورده بیوک بیوک تشبثاتده بولنه جننه بر ضماندر دییورلر .

اولیه تمی ایدرزکه مملکتک استقباله خادم یاخود حاکم اوله جق بو کنجبلر اوروپاده کی تحصیل سنه لرینی کندیلرندن امید اولنان ، بکله نیان بر صورتده کچیرسونلر ، کیجه ینی کوندوزه قاتوب چالیشسونلرده وطنلرینه اورالردن علم و عرفان کتیرسونلر . یوقسه اوروپادن کتیره - جکلری شیلر اجنبی بر لسان ایله بلاد غریبه نك ترقیات فوق التصورینه ، ممالک شرقیه نك آله بیلدیکنه انحطاطنه دائر بر ییغین لافدن عبارت قاله جقسه بوکا دینداشلق وطنداشلق نامه تأسف لرایده رز .